



欽定歷代職官表

11

4544
10



7保4
4544
10

欽定歷代職官表卷三十

光祿寺表

光祿寺卿		少卿	
周	膳夫上士	周	膳夫中士下士
三			
代			
秦			
漢			
後漢			
三國			
晉			
宋齊梁陳			
北魏			
北齊	光祿寺卿	光祿寺少卿	
後周	光祿寺卿	光祿寺少卿	
隋	光祿寺卿	光祿寺少卿	
唐	光祿寺卿	光祿寺少卿	
五季	光祿寺卿	光祿寺少卿	
宋	光祿寺卿	光祿寺少卿	
遼	光祿寺卿	光祿寺少卿	
金	宣徽使左宣徽卿	宣徽使右宣徽卿	
元	宣徽使卿	宣徽使卿	
明	光祿寺卿	光祿寺少卿	

職官表卷三十 光祿寺表

廣雅書局 刊

良	正署署醞	良	正署署醞
周正中士	周正下士	周正中士	周正下士
	湯官丞		
	監醞吏酒庫丞		
	法酒署酒正下良醞署良醞署	清涼署酒正中良醞署良醞署	
	丞	令	
	士	士	
	丞	令	
	丞	令	
		內酒坊總務都	內酒坊總務都
	同監醞	使	監
	酒坊副尚飲局良醞署	內酒坊	合
	使副使	都醞署提點	尚醞署提點
	尚醞署副使	尚醞局	尚飲局
	副使	提點	大使
		尚醞局	
		大使	

大二十七

職官表卷三十

掌	正署署醞	掌	正署署醞
周醞人		周醞人	
	果丞		
	果丞		
		錫官	
		錫官	
		掌醞中掌醞署掌醞署	
	士	令	
	掌醞下掌醞署掌醞署	令	
	丞		
	丞		
		油醞庫	
		監官	
	監	果子都	
	果子同		
	掌醞署		
	署丞		

職官表卷三十

光祿寺表

三

廣雅書局刊本

式	帖	筆	使庫庫司	簿	典
		大官 大官 吏			
		廚吏			
			大官 丞		
					光祿寺 主簿
					光祿寺 主簿 光祿寺 錄事
		大官 監膳史 珍羞 典書 良醞 監事			光祿寺 主簿 光祿寺 主簿
					光祿寺 主簿 光祿寺 判官
			同 收支庫 都監 收支庫 監		
		光祿寺 令史 光祿寺 譯史			
					光祿寺 典簿 典簿
			光祿寺 銀庫 使		

大二十六

光祿寺

國朝官制

光祿寺卿滿洲漢人各一人從三品少卿滿洲漢人各一人滿洲漢軍

初係四品順治十六年定與漢人俱為正五品

掌

大內膳羞及祭祀朝會燕饗酒醴饗餼之需辨其物品釐其法式以待供饋凡大祀則視刲牲祭之日以卿二人進福酒福胙而頒其膳肉於百執事之人凡蕃國貢使廩於館者則序其等而為之庀具焉所屬有大官珍羞良醞掌醢四署初順治元年置卿滿洲漢人各一人少卿滿洲一人漢人二人寺丞漢人一人康熙三十八年省寺丞員額少

取官卷三十一
四
卿亦省漢人一人乾隆十三年以來以大臣總理寺事皆由

特簡無常員

大官署署正滿洲漢人各一人初制四品順治十六年改為六品康熙六年改為五品九年定

為從六品署丞滿洲二人初制六品康熙九年定為從七品

掌肉修蔬茹之屬辨其物而共之祭祀燕饗則陳其几席焉初順治元年定四署置署正滿洲漢人各一人署丞各滿洲二人漢人一人又漢人監事各一人十三年省漢人監事員額十五年又省漢人署丞四人珍羞署署正滿洲漢人各一人署丞滿洲二人掌及時獻其禽鱗以薦新於

廟祭祀則共免醢若燕饗之品物各準其度數以差次之

良醢署署正滿洲漢人各一人署丞滿洲二人

掌共祭祀燕饗之酒醴設酒庫於西安門內授之灋式而頒其政令焉

掌醢署署正滿洲漢人各一人署丞滿洲二人

掌共百事之鹽及果實飴蜜醢醬之屬咸以時按式而告備焉

典簿廳典簿滿洲漢人各一人從七品

掌章疏文移順治元年又置司牲漢大使一人十五年省

司庫滿洲二人庫使滿洲八人

掌庫帑出納

筆帖式滿洲十有八人

順治元年置滿洲筆帖式二十有一人漢軍二人康熙三十八年省漢軍員額復省滿洲筆帖式三人

職事具吏部篇

歷代建置

三代

春秋左氏傳少康逃奔有虞為之庖正以除其害杜預注

庖正掌膳羞之官

孔穎達疏庖正當周禮之庖人謂之為正當是食官之長

謹案崔寔政論謂太昊之世設九庖之官是主膳羞者在上古已有其職而虞之庖正為周庖人之權與三代立制相承有自今故託始於此

禮記月令乃命大酉秫稻必齊麴蘖必時湛熾必絜水泉

必香陶器必良火齊必得兼用六物大酉監之母有差貸

鄭康成注酒孰曰酉大酉者酒官之長也於周則酒人

謹案月令官名多不合周禮故大酉亦不見於周禮蓋

呂不韋等雜採古書而成疑或是夏殷之制也

周禮天官膳夫上士二人中士四人下士八人府二人史

四人胥十有二人徒百有二十人掌王之食飲膳羞以養

王及后世子凡王之饋食用六穀膳用六牲飲用六清羞

用百有二十品珍用八物醬用百有二十饗王燕食則奉

膳贊祭凡王祭祀賓客食則徹王之胙俎凡王之稍事設

薦脯醢王燕飲酒則為獻主掌后及世子之膳羞凡肉脩

之頒賜皆掌之凡祭祀之致福者受而膳之

鄭康成注膳夫食官之長

也鄭司農以詩說庖人中士四人下士八人府二人史四

人賈八人胥四人徒四十人掌共六畜六獸六禽辨其名

物凡其死生蠶蔘之物以其王之膳與其薦羞之物及后

世子之膳羞共祭祀之好羞鄭康成注謂四時所為膳食內饗中士四

人下士八人府二人史四人胥十人徒百人掌王及后世

子膳羞之割亨煎和之事辨體名肉物辨百品味之物凡

宗廟之祭祀掌割亨之事凡燕飲食亦如之鄭康成注內

者賈公彥疏以其掌王及后外饗中士四人下士八人府

二人史四人胥十人徒百人掌外祭祀之割亨共其脯脩

刑臠陳其鼎俎實之牲體魚腊凡賓客之飡饗饗食之事

亦如之鄭康成注外酒正中士四人下士八人府二人史

大四百四十六

八人胥八人徒八十八人掌酒之政令以式灋授酒材凡為

公酒者亦如之辨五齊之名一曰泛齊二曰醴齊三曰盎

齊四曰緹齊五曰沈齊辨三酒之物一曰事酒二曰昔酒

三曰清酒辨四飲之物一曰清二曰醫三曰漿四曰醕掌

其厚薄之齊以其王之四飲三酒之饌及后世子之飲與

其酒凡祭祀以灋共五齊三酒以實八尊大祭三貳中祭

再貳小祭壹貳皆有酌數唯齊酒不貳皆有器量共賓客

之禮酒邊人奄一人女邊十人奚二十人掌四邊之實朝

事之邊其實麩黃白黑形鹽臠鮑魚鱠饋食之邊其實棗

棗桃乾棗榛實加邊之實菱芡桌脯菱芡桌脯羞邊之實

糗餌粉養凡祭祀共其邊薦羞之實為王后及世子共其

內羞凡邊事掌之醢人奄一人女醢二十人奚四十人掌
四豆之實朝事之豆其實韭菹醢醢昌本麋醢菁菹鹿醢
茆菹麋醢饋食之豆其實葵菹羸醢脾析麋醢蜃蜃醢豚
拍魚醢加豆之實芹菹兔醢深蒲醢醢箔菹雁醢筍菹魚
醢羞豆之實醢食糝食凡祭祀共薦羞之豆實爲王及后
世子共其內羞

謹案今之光祿寺於周爲太宰之屬唐六典以大官署
當周庖人外饗珍羞署當周邊人良醢署當周酒正酒
人掌醢署當周醢人蓋皆據其職事所承爲準而膳夫
爲食官之長則當如今之光祿卿矣

秦

杜佑通典秦大官令丞屬少府

冊府元龜秦少府屬官有大官湯官令丞胞人長丞皆主
貨食之事

謹案古字胞與庖同禮記祭統有輝胞翟闔莊子庚桑
楚湯以胞人籠伊尹皆卽周官之庖人秦漢少府所屬
蓋亦沿其制也

漢

漢書百官公卿表少府屬官有大官湯官令丞又胞人長
丞顏師古注大官主膳食湯官主餽餽胞人主掌宰割者
也

漢書陳湯列傳西至長安求官得大官獻食丞蘇林注主

貢獻物

漢書平帝本紀元始元年置少府果丞一人顏師古注掌諸果實

漢書宣帝本紀本始四年詔令大官損膳省宰顏師古注漢儀注大官令屠者七十二人宰二百人

謹案漢大官令以主御膳而考漢書列傳所載如詔賜從官肉大官丞日晏不來東方朔拔劍割肉大官奏之

霍去病從軍上為遣大官齋數十乘貢禹為諫大夫廩食大官鮑宣為諫大夫美食大官李尋待詔黃門食大

官衣御府張禹為太傅朝夕進食成帝遣大官致餐事俱見各本傳是燕饗好賜之事亦皆由大官供具今光祿寺承

大三百五十一

備大小筵宴及一切饋餼廩饌即其例也又柏梁聯句

詩大官令所咏為枇杷橘栗桃李梅是果丞未設以前凡果實之供亦掌諸大官令矣又按史記馮唐傳載文

帝言居代時尚食監高祛為言趙將李齊之賢漢世諸侯王國其官制多仿漢廷是當時別有尚食監為省中

五尚之一五尚者尚冠尚帳尚衣尚席尚食也見應劭漢書注而霍光傳又稱昌

邑王詔大官趣上乘輿食如故食監奏未釋服未可御故食復詔大官趣具無關食監據此則大官令與尚食

監為兩職蓋大官令如今之光祿寺而尚食監則如今之內膳房也

後漢書百官志大官令一人六百石本注曰掌御飲食劉昭

注漢官曰員吏六十九人衛士三十八人荀綽晉百官表注曰漢制大官合秩千石丞四人秩四百石不與志同

左丞甘丞湯官丞果丞各一人本注曰左丞主飲食甘丞

主膳具湯官丞主酒果丞主果劉昭注荀綽曰甘丞掌諸

茹菜

後漢書殤帝本紀延平元年詔減大官諸珍膳劉昭注大

官合周官也秩千石典天子廚膳

後漢書桓帝本紀永壽二年十一月置大官右監丞官延

熹五年正月省大官右監丞劉昭注漢官儀曰大官右監

丞秩比六百石

王應麟玉海世祖省湯官合置丞

唐六典桓帝時大官置四丞又有左右丞

通典桓帝延熹元年使大官合得補二千石

劉昭後漢書志注荀綽晉百官表注曰建光中尚書陳忠

以為令史質堪上言大官宜著兩梁尚書孟希奏大官職

在鼎俎不列陞位不宜許臣伏惟大官合職在典掌王饗

統六清之飲列八珍之饌正百品之羞納四方之貢所奉

九重用思又勤明詔慎口實之御防有敗之姦增崇其選

以供養言之為最親近以職事言之為最煩多今又高選

如堪言合典可施行即聽用之

謹案今光祿寺其名本出於漢之光祿勳自唐六典杜

佑通典諸書皆以光祿勳載入光祿寺沿革然考光祿

勳乃郎中令改名所掌為宿衛宮殿門戶及典三署郎

故柏梁聯句詩有總領從官之語其職當如今之領侍衛內大臣與光祿寺並不相同自蕭梁除去勳字謂之光祿卿北齊又改稱光祿寺掌諸膳食肴藏於是遂為今光祿所自始名雖相襲而職務固已迥判矣今以秦漢以後大官令繫諸光祿寺表而光祿勳一官則別載入領侍衛內大臣篇庶職掌相符不致循名而爽實焉

三國

冊府元龜魏光祿置大官令丞

裴松之三國志注王朗上主簿張登詔以登為大官令時苗為壽春令遷大官令

謹案據冊府元龜所載魏初更易卿監屬官大官令始

改隸光祿後世因專以光祿為典膳之職通典謂魏大官令亦屬少府蓋但據漢制以例之未加詳考耳

三國吳志孫權傳嘉禾五年禁進獻御減大官膳

謹案據此條則吳亦有大官令特史文不詳或仍隸少府或別隸他官今已不可考矣

晉

晉書職官志光祿勳統大官等令

冊府元龜大官令之屬有廚史錫官吏果官監釀吏酒丞等員

鄭樵通志大官令有錫官果吏各二人酒丞一人

宋齊梁陳

宋書百官志大官令一人丞一人隸侍中

南齊書百官志大官令一人丞一人屬起部亦屬領軍

謹案南齊書高宗本紀大官進御食有裹蒸又蕭穎胄傳上欲鑄壞大官元日上壽銀酒鎗是宋齊之世大官

主御膳及燕饗之事並如漢制其屬之侍中及領軍者當以其時光祿勳不復居禁中而侍中領軍實掌宿衛

故又改隸以便於統轄耳至杜佑以為宋齊大官令俱屬侍中則未考南齊志而致誤也

通志齊食官局有酒吏梁曰酒庫丞

南史張融傳融攝祠部曹兼掌正廚見宰殺回車徑去自表解官

馬端臨文獻通考齊諸公府有釀食典軍二人

隋書百官志梁定九品十八班大官令為一班又大官市

署丞正廚丞酒庫丞為三品蘊位大官四丞庫丞為三品

勳位

冊府元龜梁大官丞門下省領之又有市買正廚酒庫等

丞陳如梁制

謹案張融以祠部曹掌正廚專司宰割蓋如今光祿寺

署官監視刲牲之職也至隋志梁有大官市署丞而冊

府元龜又作市買丞考宋書有張奇兼市買丞事見顏師伯

傳則冊府元龜所載為核隋志署字蓋傳刻之訛耳

北魏

冊府元龜魏分大官令尚食中尚食掌知御膳尚食門下省領之中尚食集書省領之大官掌知百官饌光祿領之有丞一人

謹案北魏分食官為兩職其尚食中尚食則如今之內膳房而大官令別領於光祿專主百官饌正如今光祿寺之職也蓋制度變更已開其漸特光祿卿之親典膳食則自齊始著於職掌耳又案魏書官氏志有太宰令為從第五品當亦主飲食之官而史失其詳今並附見於此

北齊

〔通典〕北齊曰光祿寺置卿少卿兼掌諸膳食帳幕

〔冊府元龜〕北齊光祿寺丞一人從六品下又有功曹五官主簿等又有大官丞一人肴藏令及丞二人又有清漳令丞主造酒

〔隋書百官志〕北齊光祿寺統大官掌食膳事肴藏掌器物鮭菜等事清漳主酒歲二萬石春秋中半等署各有令丞

謹案兩漢光祿勳至北齊而始為掌膳之職然考其所屬尚有守宮宮門供府華林等署兼司宮殿門戶則是漢制所沿猶未盡革也

後周

〔通典〕後周官品正五命天官主膳中大夫正四命天官小膳部下大夫正三命天官小膳部內膳外膳等上士正二

命天官內膳外膳典庖典饎酒正餼藏掌醢司鼎俎等中士正一命天官外膳典庖典饎酒正餼藏掌醢司鼎俎等下士

唐六典後周有典庖中士一人肴藏中士一人下士二人酒正中士二人下士四人掌醢中士一人下士十二人內膳有主食十二人

隋

隋書百官志光祿寺置卿少卿各一人丞三人主簿二人錄事三人統大官肴藏良醢掌醢等署各置令大官二人肴藏良醢各二人掌醢一人丞大官八人肴藏掌醢各二人良醢四人大官又有監膳十二人良醢有掌醢五十八

掌醢有掌醢十八

冊府元龜開皇三年廢光祿人司農十三年復置又加置丞三人煬帝加置少卿二人又有主簿錄事並流外為之謹案隋光祿寺始專主肴膳無復掌宮殿門戶之事漢光祿勳職守至此遂盡改其舊今光祿寺規制實猶沿隋所定也

唐

舊唐書職官志光祿寺卿一人從三品少卿一人從四品丞二人從六品主簿二人從七品掌邦國酒醴膳饗之事總大官珍饈良醢掌醢四署之官屬修其儲備謹其出納少卿為之

〔新唐書百官志〕光祿寺卿凡祭祀省牲饌濯漑二公攝祭則為終獻朝會燕享則節其等差錄事二人

〔唐六典〕龍朔二年光祿寺改司宰寺咸亨初復舊武后光宅元年改司膳寺神龍初復舊

〔孫逢吉職官分紀〕寺有府十一人史二十一人亭長六人掌固六人

〔新唐書百官志〕大官署令二人從七品下丞四人從八品下掌供祠宴朝會膳食祭日令白卿詣廚省牲饌取明水明火帥宰人割牲取毛血實豆遂烹又實簋簋設于饌幕之內珍羞署令一人正八品下丞二人正九品下掌供祭祀朝會賓客之庶羞榛栗脯脩魚鹽菱芡之名數良醢署

令一人正八品下丞二人正九品下掌供五齊三酒享大廟以供鬱鬯以實六彝進御則供春暴秋清醑醢桑落之酒掌醢署令一人正八品下丞二人正九品下掌供醢醢之物一曰鹿醢二曰兔醢三曰羊醢四曰魚醢宗廟用菹以實豆賓客百官用醢醬以和羹

〔唐六典〕武后垂拱元年有藏署改珍羞署神龍元年復舊開元元年仍改珍羞署

〔職官分紀〕大官署有府四人史八人監膳史十五人供膳二千四百人掌固四人珍羞署有府三人史六人典書八人掌固四人良醢署有府三人史六人監事二人掌醢二十人酒匠十三人奉觶百二十人掌固四人掌醢署有府

職官表卷三十一
二八史二人主醢十人醬匠二十三人酢匠十二人鼓匠
十二人殖醢匠八人掌固八人

謹案通鑑李密降唐後爲光祿卿嘗遇大朝會密當進
食深以爲恥云云是唐之朝會以光祿卿進食而六典
不載其儀疑或是唐初未定之制也至周官膳夫徒止
百二十人漢大官令宰士亦止二百人而唐之供膳乃
多至二千四百人供億繁費實爲汰侈無藝今制光祿
寺承辦筵品凡茶役廚役及各項匠役均計工給直平
時並無冗食法度益昭節慎矣

五季

辭居正舊五代史梁開平元年改御食使爲司膳使

五代史梁本紀乾化二年光祿卿盧珉使於蜀

冊府元龜後唐莊宗同光中光祿諸寺監各只置大卿監
其餘官屬並權停

謹案梁之司膳使以他官兼之猶今總理寺務大臣也

宋

宋史職官志光祿寺卿少卿丞主簿各一人卿掌祭祀朝
會宴饗酒醴膳羞之事修其儲備而謹其出納之政少卿
爲之貳丞參領之凡祭祀共五齊三酒牲牢鬱鬯及尊彝
邊豆簠簋鼎俎銅登之實前期飭有司辦具牲饌視滌濯
奉牲則告充告備共其明水火焉禮畢進胙於天子而頒
于百執事之人分案五置吏十

〔文獻通考〕宋光祿判寺事以朝官以上充卿少卿丞為寄祿官卿後來為中奉大夫少卿朝議大夫丞宣義郎元豐官制行置卿少卿丞主簿各一人元祐三年詔長貳互置政和六年監察御史王桓等言祭祀牲牢之具掌于光祿而寺官未嘗臨視請大祀以長貳朔祭及中祀以丞簿監視宰割禮畢頒胙有故及小祀聽以其屬攝從之章如愚山堂考索建炎以來光祿併歸禮部

玉海紹興二十三年二月丙子復光祿置丞一員

〔謹案宋史及文獻通考〕並言南渡後廢光祿併入禮部而如玉海所載紹興中已復置矣蓋當時但設丞以司其事而卿貳均未備員其職仍隸屬於禮部故史文未

之及也

〔宋史職官志〕大官令掌膳羞割烹之事凡供進膳羞則辨其名物而視食之宜謹其水火之齊祭祀共明水明火割牲取毛血牲體以為鼎俎之實朝會宴享則供其酒膳凡給賜視其品秩而為之等

〔文獻通考〕大官署宋朝隸御廚以朝官并諸司使副內侍都知押班充元祐初罷大官令二年復置崇寧二年置尚食局大官唯掌祠事○宋珍饈署隸御廚有供備庫太平興國二年改為內物料庫有使及副使掌供尚食及內外膳饈米麵飴蜜棗豆百品之料監官二人以三班充外物料庫掌給皇城外諸宮院油鹽米麵之品監官二人以三班內侍充○宋

良醞署屬御廚有內酒坊使掌造法糯酒常料之三等酒以供邦國之用監官二人監門二人以三班內侍充都麩院掌造麩以給內酒坊之用及出鬻而收其直監官二人以京朝官及諸司使副內侍充法酒庫掌造供御及祠祭凡祭祀共五齊三酒以實尊罍以三班使臣內侍充○掌醞署宋屬御廚有油醋庫監官一人以京朝官充掌造油醢以備邦國膳饈内外之用

謹案宋之勾當御廚司即如今內膳房之職當時光祿四署俱隸屬焉膳卿所掌蓋僅存虛名而已今案其職守又互詳內務府表內謹識於此

遼

遼史百官志南面官崇祿寺本光祿寺太宗諱改

王圻續文獻通考崇祿寺官曰崇祿寺卿曰崇祿寺少卿

曰崇祿寺丞曰崇祿寺主簿

謹案遼史百官志最為闕略崇祿寺亦未載有屬官今承德府地方有遼白川州石幢尚存其左方列銜載有麩務都監同監麩務麩院判官諸名皆史志所未及蓋本宋之麩院監官即隋唐良醞署之職其金之尚醞署酒坊使當亦沿此制而設者也謹並繫之於表以補史闕焉

金

金史百官志宣徽院左宣徽使正三品宣徽使正三品同

知宣徽院事正四品同簽宣徽院事正五品宣徽判官從六品掌朝會燕享及監知御膳○尚食局提點正五品使從五品副使從六品掌總知御膳進食先嘗兼管從官食直長一員正八品都監三員正九品生料庫都監同監各一員掌給受生料物色收支庫都監同監各一員掌給受金銀裏諸色器皿○果子都監同監各一員掌給受進御果子○尚醞署令從六品丞從七品掌進御酒醴直長正八品二員○酒坊使從八品副使正九品掌醞造御酒及支用諸色酒醴

謹案金代不置光祿鴻臚二寺悉總其事於宣徽院而宮掖政務亦兼領焉其職實如今之內務府今故別著

元

於表而取其典司相近者析載於此以備一代之制云

〔元史百官志〕光祿寺隸宣徽院秩正三品掌起運米麪諸事領尚飲尚醞局至元十五年罷都提舉置寺設卿一員少卿三員主事一員照磨一員管勾一員二十年改尚醞署正四品二十三年復爲光祿寺卿二員少卿丞各一員二十四年增少卿一員二十五年撥隸省部三十一年復隸宣徽延祐七年降從三品後復正三品定置卿四員正三品少卿二員從四品丞二員從五品主事二員從七品令史八人譯史知印各二人通事二人奏差二十四人典吏三人蒙古書寫一人○珍羞署至元十三年始立尚珍

署後罷入有司二十五年復置掌收濟寧等處田土籽粒以供酒材設達魯噶齊解見戶部三庫篇一員令一員並從五品丞一員正七品吏目一人○尚食局掌供御膳及出納油麪酥蜜諸物至元二年置提點二十年省併尚藥局為尚食局置提點一員從五品大使一員正六品副使一員正七品直長一員正八品○尚飲局中統四年置設大使副使各一人俱帶金符掌醞造上用細酒後定置提點一員從五品大使一員正六品副使一員正七品○良醞署中統四年立御酒庫設金符宣差至元十一年始設提點十六年改尚醞局掌醞造諸王百官酒醴提點一人從五品大使一人正六品副使一人正七品直長一人正八品

謹案元宣徽院亦如今內務府之職光祿寺僅為其所屬之一署雖沿襲舊名其實不盡同古制王暉秋澗集稱當時曾有旨講究光祿寺職掌疑亦有意改革而未行也

明

〔明史職官志〕光祿寺卿一人從二品少卿一人正五品寺丞一人從六品其屬典簿廳典簿二人從七品錄事一人從八品珍羞良醞掌醞四署各署正一人從六品署丞四人從七品監事四人從八品司牲司大使一人從九品副使一人後革司牲局大使一人從九品嘉靖七年革銀庫大使一人卿掌祭享宴勞酒醴膳羞之事率少卿寺丞官屬辨其名數會其出入以聽於

禮部大官供祭品宮膳節令筵席蕃使宴犒之事珍羞供
宮膳肴核之事良醞供酒醴之事掌醢供錫油醢醬梅醬
之事司牲視其肥瘠而蠲滌之司牧亦如之

鄧球泳化類編洪武乙卯冬十月定光祿官品級先是置
宣徽院尋改光祿寺設尚食尚醴二局供需法酒二庫以
院使同知院判典簿等掌之至是改寺爲司正卿一人從
三品少卿二人正五品寺丞六人從六品其屬典簿二人
從七品錄事一人從八品大官署珍羞署良醞署掌醢署
各署正一人俱從六品署丞四人俱從七品副使未入流
洪武三十年復爲寺建文元年改光祿寺卿爲光祿卿少
卿寺丞分左右而陞少卿從四品省署丞二人增監事二
人永樂初盡復洪武之制

謹案周禮膳夫有惟王不會之文說經者或以爲疑不
知當時九式掌於冢宰人主自不得恣其費用所以用
皆合式不必以有司之法會之並非蕩然無節也三代
以後侈汰漸萌如漢世屢詔減大官珍膳而後漢書載
大官湯官經用每歲尚至二萬萬卽鄧太后敕止省珍
費所裁亦不過數千萬其糜費可以概見歷代相仍此
風未革李燾通鑑長編及江休復雜志載宋嘉祐中御
廚日宰二百八十羊日支麪萬斤勾當御廚駕部員外
郎李象中等皆以自盜御食得罪編管是浸漁破冒有
益以滋甚者明代各省額解光祿寺銀米皆直送本寺

不由戶部清釐無法又令中官提督寺事每以片紙傳取錢糧寺官卽如數供億莫知真偽嘉隆間歲用逾四十萬廚役多至四千一百餘名明史所載如寺丞胡膏偽增物直爲給事中楊允繩所糾提督中官杜泰乾沒歲鉅萬爲少卿馬從謙所發奸蠹叢生實爲弊藪我朝自康熙初定制錢糧皆歸戶部光祿以時支取儲用歷加樽節歲祇支銀二萬兩月要其數以奏務使品式有定出入有經冗費盡除成規共守信足永

昭

儉德矣

欽定歷代職官表卷三十

太倉錢清詒初校
南海羅崇齡覆校
番禺陶福祥再覆校

欽定歷代職官表卷三十一

太僕寺表

夏 牧正	殷 牧師	周 太僕下	大夫 枝人中	卿 寺 僕 太	三代
					秦
					漢
					後漢
					三國
					晉
					宋齊
					梁陳
					北魏
					北齊
					後周
					隋
					唐
					五季
					宋
					遼
					金
					元
					明

夏 牧正 殷 牧師 周 太僕下 大夫 枝人中

太僕

太僕

蜀漢 太僕 魏 太僕

太僕

梁陳 太僕卿

太僕卿

太僕卿

太僕卿

太僕卿

太僕卿

太僕卿

太僕卿

太僕卿

太僕卿

太僕卿

太僕卿

卿 司馬 卿 司馬

卿 司馬 卿 司馬

卿 司馬 卿 司馬

卿 司馬 卿 司馬

卿 司馬 卿 司馬

卿 司馬 卿 司馬

卿 司馬 卿 司馬

職官表卷三十一

太僕寺表

廣雅書局印

職官表卷三十一

委署固山達

太僕寺

國朝官制

太僕寺卿滿洲漢人各一人從三品
 少卿滿洲漢人各一人正四品

掌兩翼牧馬場之政令凡遇

車駕行幸以卿少卿一人隨

躡司幔城網城馱載橐駝每歲夏季則以卿少卿一人率屬赴
 牧場稽其孳生斃損之數分注於冊三年乃均齊之以定

賞罰焉

國初置太僕寺附于兵部武庫司設卿滿洲漢人各一人少

卿滿洲二人漢人一人寺丞滿洲漢人各一人順治元年

十二月省太僕寺九年復置十五年省寺丞員額十六年

職官表卷三十一 太僕寺

廣雅書局印

復置康熙二年仍省雍正三年始建衙署于正陽門之東
乾隆十三年省滿洲少卿一人近歲以來以大臣兼管寺
事皆由

特簡無常員

左司員外郎滿洲蒙古各一人主事滿洲蒙古各一人

掌馱載幔城網城之駝隻以備

巡幸之用初制不分司設滿洲員外郎八人雍正三年省二人
改設蒙古員外郎二人乾隆六年始置左右二司各分職
掌給以印信十三年定原設員外郎八人改爲滿洲員外
郎二人蒙古員外郎二人滿洲主事二人蒙古主事二人
右司員外郎滿洲蒙古各一人主事滿洲蒙古各一人

掌察驗牧場馬匹盈虧以時印烙

主簿滿洲一人

正七品

掌章奏文移初置漢人主簿一人康熙二年省雍正二年
復置滿洲主簿一人

筆帖式滿洲八人蒙古八人

初制滿洲筆帖式十有一人蒙古四人漢軍二人康熙二
年省滿洲筆帖式三人雍正三年省漢軍員額乾隆三年
增置蒙古筆帖式四人

職事具吏部篇

謹案太僕寺初置常盈庫以直隸山東河南額徵馬價
銀六十餘萬解寺貯庫歲終覈銷設漢大使一人掌之
尋以馬價銀歸併戶部省常盈庫大使員額謹識于此

統轄兩翼牧場總管一人以察哈爾副都統兼管兩翼總管各一人正四品

翼長各一人正五品護軍校各四人初制八品後升為正七品以上皆蒙古員額駐劄

張家口辦理牧場事務主事一人筆帖式一人

牧場置于張家口外左翼四旗在哈喇尼墩井東西百五十里南北百三十里右翼四旗在齊齊爾漢河東西百五十里南北三十二里馬羣百九十二每羣牧長牧副各一人牝馬羣百六十每羣牧丁八人牡馬羣三十二每羣牧丁十有四人護軍三百十有四人總管翼長居適中之地綜治牧政護軍校協領等各巡牧所禁盜馬及墾耕者統轄總管乾隆十三年置以察哈爾副都統兼理總管康熙四十四年置護軍校等員雍正元年置又原置有副管二

人防禦二人翼領四人驍騎校三人今俱省凡總管員闕於察哈爾佐領世爵及牧場翼長等官內選用翼長以下員闕於護軍校等官次第選用皆由寺引

見除授張家口辦理牧場事務官於本寺主事筆帖式內各揀選一員五年輪請更換

歷代建置

三代

春秋左氏傳少康為仍牧正杜預注牧官之長

竹書紀年周公季歷伐余無之戎克之命為牧師

詩大雅出車篇我出我車于彼牧矣毛亨傳出車就馬于

牧地鄭康成箋西伯以天子命出車牧地

詩無羊宣王考牧也鄭康成箋牧人之職廢宣王始興而復之

謹案劉向列仙傳稱馬師皇為黃帝馬師其說無據而夏之牧正殷之牧師皆見于經傳則典牧之官其由來固已久矣

列子黃帝篇周宣王之牧正有役人梁鴛者能養禽獸

尚書小序穆王命伯冏為周太僕正作冏命孔安國傳太僕長太御中大夫孔穎達疏正訓長也周禮太御中大夫太僕下大夫孔以此言太僕正則官高於太僕故以為周禮太御

周禮夏官太僕下大夫二人掌正王之服位出入王之大

命王出入則自左馭而前驅

淮南子時則訓命太僕及七騶咸駕戴荏授車以級

齊職儀太僕周官也尚書稱穆王命伯冏為太僕正是也蓋為眾僕之長

謹案今太僕寺之官雖沿周太僕舊名然其職掌實迥不相合蓋僕本侍御於尊者之名其下有祭僕御僕隸僕諸官而以太僕為之長故稱太僕所司在正服位詔法儀常居於大寢之門內以左右王當如今之領侍衛內大臣及

御前大臣其出入大命掌諸侯之復逆則又如今之奏事處及通政使司其左馭前驅則又如今之鑾儀衛而馬政

職官表卷三十一
別掌于校人諸職不關太僕今據其官守所在已分繫之領侍衛內大臣等篇特以稱名所承沿襲有自故亦並載于此表而附識古今異同之故以著其實云

周禮夏官校人中大夫二人上士四人下士十有六人府四人史八人胥八人徒八十八人掌王馬之政辨六馬之屬種馬一物戎馬一物齊馬一物道馬一物田馬一物駕馬一物凡頒良馬而養乘之乘馬一師四圉三乘爲阜阜一趣馬三阜爲繫繫一馭夫六繫爲廐廐一僕夫六廐成校校有左右駑馬三良馬之數麗馬一圉八麗一師八師一趣馬八趣馬一馭夫天子十有二閑馬六種邦國六閑馬四種家四閑馬二種凡馬特居四之一春祭馬祖執駒夏

祭先牧頒馬攻特秋祭馬社臧僕冬祭馬步獻馬講馭夫

凡大祭祀朝覲會同毛馬而頒之軍事物馬而頒之鄭康成注

校者校也主馬者必仍校視之校人馬官之長趣馬下士阜一人徒四人掌贊正

良馬而齊其飲食簡其六節鄭康成注趣馬趣養馬者也鄭司農云詩駉惟趣馬也

馬下士二人醫四人府一人史二人賈二人徒二十人掌

養馬疾而乘治之鄭康成注巫馬知馬祖先牧馬社馬步之神者馬疾若有犯馬則知之是以使

與醫同職賈公彥疏巫知馬崇醫知馬病有賈者治馬死生須知馬價也牧師下士四人胥四

人徒四十八人掌牧地皆有厲禁而頒之孟春焚牧中春通

淫掌其政令凡田事贊焚萊鄭康成注牧師主牧放馬而養之庾人下士

閑二人史二人徒二十人掌十有二閑之政教以阜馬佚

特教駢攻駒及祭馬祖祭閑之先牧及執駒散馬耳圉馬

正校人員選

鄭康成注庾之言數校人謂師圍也正員選者選擇可備員者平之賈公彥疏凡言正者

以尊正卑自趣馬已上並上官非庾人所正故知所正者師圍圍師乘一人徒二人掌教

圍人養馬春除孽釁殿始牧夏房馬冬獻馬圍人良馬匹

一人駑馬麗一人掌養馬芻牧之事以役圍師馬質中士

二人府一人史二人賈四人徒八人掌質馬馬量三物一

曰戎馬二曰田馬三曰駑馬皆有物賈綱惡馬

鄭康成注質平也主

買馬平其大小之賈直

謹案今太僕之職本出于周官之校人而所掌馬政則

古今異宜有未可以概論者蓋成周之世軍賦出于邱

甸一邱出戎馬一匹一甸出戎馬四疋畿內提封萬井

出戎馬四萬疋皆民養之于平日有軍旅則賦之其畜

牧之事並不領于有司若校人良馬五物惟以駕王之

乘車貳車從車駑馬一物則以供畿內小吏單騎及役

車之用而兵革不與焉國語所謂國馬足以行軍公馬

足以供賦者國馬卽民馬蓋指邱甸所出之馬而公馬

卽校人之王馬乃天子所駕用者也

此據國語韋昭注一說以國馬卽王

馬與此

不同後世井田既廢四邱出甲之法久已不行戎馬

皆官自畜牧由漢以來內外廢及諸牧苑悉以屬之太

僕國馬王馬遂併隸一官下逮唐宋復以中殿所畜者

別主之殿中監尚乘局御馬院等官

殿中監尚乘局皆唐置御馬院宋置

說詳上駟院篇

而太僕惟掌國馬于是校人所司王馬之政又

不盡在冏卿矣

職官表卷三十一
本朝定制自口外諸牧場及八旗直省營馬並分職經理
各有司存其

天閑供御之乘則掌之上駟院太僕所管惟左右翼牧廠
爲國馬之一周禮校人之職其實當在上駟院而馬官
沿革所自通典諸書悉以繫之太僕寺故仍互見于此
表以明緣起焉

秦

冊府元龜周穆王置太僕正掌輿馬秦因之

唐六典太僕秦官

爾雅釋畜注秦有駟蹄苑

謹案秦時有駟蹄苑則必有苑官可知漢牧苑之制已
始于此

漢

漢書百官公卿表太僕掌輿馬有兩丞屬官有太廄未央
家馬三令各五丞一尉又車府路輪騎馬駿馬四令丞又
龍馬閑駒橐泉駒駮承華五監長丞又邊郡六牧師苑令
各三丞又牧橐昆駟令丞皆屬焉

謹案太僕掌校人之職當始於秦漢之間考成六年傳
韓獻子將新中軍且爲僕大夫公揖而入獻子從公立
於寢庭杜謂獻子兼太僕蓋公自路門外揖而入于路
寢庭而獻子從公以其爲太僕掌正服位故出入必從
也然則春秋時太僕本職猶與周禮相合襄九年傳使

皇父命校正出馬正義校正主馬于周禮為校人成十八年傳并糾御戎校正屬焉注校正主馬官正義校正當周禮校人哀三年傳校人乘馬注云校人掌馬然則春秋時主馬政者仍是周禮校人未見其掌于太僕冊府元龜謂周穆王時太僕掌輿馬以太僕本為王馭故云掌輿馬未必若漢時之主五監六廄也其合太僕校人為一職則自漢書百官公卿表始也

荀悅前漢紀太僕掌輿馬屬官

杜佑通典太僕漢初夏侯嬰常為之

漢書曰夏侯嬰為沛公太僕常奉車自高帝至文帝常為太僕又石慶為太僕御出上問車中幾馬慶以策數馬畢曰六馬領五監六廄各有令

謹案漢紀韓信事項羽為郎中羽不能用而去歸于漢坐事當斬已伏鎧仰視乃見夏侯嬰曰王不欲取天下也而斬壯士太僕嬰言於王赦之不誅蓋太僕主出入王之大命夏侯嬰時為太僕故得言之于王也漢制近古此為一端

漢書本紀如淳注漢儀注太僕牧師諸苑三十六所分布北邊西邊以郎為苑監官奴婢三萬人養馬三十萬匹

古曰養鳥獸者通名為苑苑故謂牧馬處為苑

三輔黃圖太僕御屬車八十一乘

楊雄太僕箴肅肅太僕車馬是供鏘鏘和鸞駕彼時龍王用三驅前禽是射僕夫執倥載駢載駟我輿云安我馬惟

閑雖馳雖驅匪逸匪愆昔有淫羿馳騁忘歸景公千駟而淫于齊牧于坰野詩人興魯僕臣司駕敢告執阜

〔漢書地理志〕北地郡靈川縣有河奇苑號非苑歸德縣有堵苑白馬苑郁郅縣有牧師苑官遼東郡襄平縣有牧師官西河郡鴻門縣有天封苑

〔後漢書百官志〕太僕卿一人中二千石掌車馬天子每出奏駕上鹵簿用大駕則執馭丞一人比千石未央殿令一人六百石主乘輿及殿中諸馬長樂殿丞一人舊有六廄皆六百石令中興省約但置一廄後置左駿令殿別主乘輿御馬後或并省又有牧師苑皆令官主養馬分在河西六郡界中中興皆省惟漢陽有流馬苑但以羽林郎監領

謹案前漢紀景帝紀太僕周舍爲御史大夫宣帝紀太僕陳萬年爲御史大夫成帝紀太僕王音爲御史大夫蓋御史大夫爲丞相之副太僕爲漢九卿之一秩二千石故太僕得擢御史大夫也又由太僕竟爲丞相者太僕公孫賀爲丞相是也可以證太僕一官在漢九卿爲尤顯後漢紀太僕張純爲大司空太僕鄧盛爲太尉則由太僕而爲三公蓋襲前漢之制

〔劉昭後漢書志注〕太僕員吏七十人其七人四科一人二百石文學八人百石六人升食七人佐六人騎吏二人假佐三十一人學事一人官醫

〔歐陽詢藝文類聚續漢書〕曰趙岐獻帝以爲太僕

職官表卷三十一
謹案秦漢以太僕主輿馬杜佑謂其兼有周官校人掌馬巾車掌車之任故當時太僕卿執馭奉車及奏鹵簿其職實如今之鑾儀衛固不獨典司牧事也卽以牧事而論所轄五監六廄及牧師諸苑亦兼國馬王馬之政而統治之三國志載魏王朗稱西京中廄則駢駮駙馬六萬餘匹外牧則扈養三萬而馬十之蓋皆隸之于太僕今制

內廄馬匹悉屬上駟院太僕止管左右翼二牧廄是所掌但有外牧而乘輿御馬不預焉故以漢制準之惟諸牧苑令丞主邊郡養馬當如今右司之職牧橐令丞諸牧養蠹駝當如今左司之職苑監官當如今牧場總管之

職若太廄未央等令丞則專司天子中廄之畜當爲今上駟院之職已非太僕所自承特以前代職制不同未可盡略故仍互見于此而其詳則著于上駟院篇內云

三國

三國蜀志後主傳太僕蔣顯

通典後漢太僕亦掌車馬魏因之

三國魏志潘尼列傳尼爲太僕造乘輿箴

魏文帝追諡杜畿詔昔冥勤其官而水死稷勤百穀而山死故尚書僕射杜畿于孟津試船遂至覆沒忠之至也朕甚愍焉追贈太僕諡曰戴侯

謹案後漢志尚書僕射秩六百石太僕秩一千石魏制

當與後漢同以六百石擢二千石蓋追贈特優其典也

洪适隸釋魏公卿上尊號奏太僕臣憂

唐六典魏置牧官都尉

謹案漢牧師苑令其所治雖在邊郡而實為太僕屬官當如明行太僕寺之比至魏之牧官都尉則又別置職名為後來監牧所自出當如今之牧場總管也

晉

晉書職官志太僕統左右中典牧都尉車府典牧乘黃廄驂駟廄龍馬廄等令自元帝渡江之後或省或置太僕省故驂駟為門下之職

藝文類聚晉諸公贊曰郭展為太僕留心於養生是以廄

馬充牣其後征吳得以濟事

唐六典晉太僕過江省其後又置成帝永和七年省併宗正蓋有事則權置無事則省

謹案自晉以迄唐代皆沿漢制太僕兼掌輿馬故所屬如車府令為今鑾儀衛之職乘黃驂駟龍馬諸廄令為今上駟院之職俱已分別析載惟典牧令專司牧政正與今太僕寺右司職掌相合故獨繫之於此表後皆仿此

宋齊梁陳

通典太僕宋以來不常置郊祀則權置太僕執轡事畢則省齊亦然

謹案宋齊二代不置太僕而別有乘黃令屬太常驛驢丞屬侍中以掌乘輿廐馬又御史臺有庫曹以主廐牧是國馬王馬其職固各有所分屬也

〔梁簡文帝馬寶頌〕五月丁酉朔詔以馬寶示羣臣太僕效官趣馬掌贊八麗四圍給役相趨暉焜金鑣陸離寶勒鸞眇善鳴龍儀美稱總轡崑岑周非吾馭張樂大野夏有慙德道乾應坤馬來度玉關升玉臺千天駟百龍媒永伏阜埽駒駉秣瑤粟委芳芻九夷款四表清眈胥樂輿頌興

〔隋書百官志〕梁置太僕卿爲夏卿統南馬牧左右牧龍廐內外廐丞

〔通典〕梁太僕卿位視黃門侍郎陳因之

〔徐堅初學記〕太僕梁又置之加卿字曰太僕卿後皆因之謹案梁代雖置太僕而乘黃署仍屬太常故太僕惟司牧政不典車輅簡文帝馬寶頌稱太僕效官亦以其典龍廐也近世同寺專爲馬官其權輿已見于此矣

北魏

〔魏書官氏志〕太僕第二品上太和中又置少卿改太僕卿正三品少卿正四品

〔楊銜之洛陽伽藍記〕劉騰宅東有太僕寺

〔唐六典〕後魏太僕卿第二品上又置少卿太和二十二年九卿並第三品

〔魏書官氏志〕延興四年二月置外牧官太和十五年十二

月置都牧官太和百官令典牧都尉從第五品中

〔司馬光資治通鑑〕魏蕭寶寅死于駝牛署胡三省注後魏有駝牛都尉署者其寺舍也五代史志太僕寺之屬有駝牛署

〔王應麟玉海〕魏太武太延二年冬于雲中置野馬苑平朔方隴右以河西水草善以爲牧地馬三百餘萬匹橐駝半之孝文後以河陽爲牧場戎馬十餘匹歲自河西徙牧并州漸南欲其習水土馬之盛無如後魏

謹案後魏太僕職掌不見于史據魏書高祖本紀有太和十一年詔太僕乘具出其大半班賚百官之文則亦兼掌車馬也又外牧都牧二官其所司亦未詳考魏世

雲中河西河陽并州皆有牧地外牧當專司畜養蓋卽典牧都尉之職如今之牧場總管其都牧官當在京師以司羣牧賞罰之令故高祖本紀又有罷都牧雜制之文見太和十四年其職蓋如今太僕寺之右司至駝牛都尉專主駝隻則又如今之左司矣

北齊

〔隋書百官志〕後齊太僕寺置卿少卿丞各一人有功曹五官主簿錄事等員掌諸車輦馬牛畜產之屬統驂騶左右龍左右牝駝牛司羊乘黃車府等署令丞左龍署有左龍局右龍署有右龍局左牝署有左牝局右牝署有右牝局駝牛署有典駝局諸局並有都尉

謹案周官校人特居四之一說者謂一特三牝故衛風稱騶牝三千月令季春乃合累牛騰馬遊牝于牧三代馬政所以順生息之理而滋其蕃庶也北齊置左右牝署令丞後周置典牝上士中士其義蓋本諸此今太僕寺左右兩翼牧場設牝馬一百六十羣每羣二百四十六匹至一百三十二匹有差扇馬三十二羣每羣二百有五匹至五十九匹有差與三牝一特之制洵爲相合矣至北齊太僕寺復仿漢晉之制置騶驢乘黃車府等署隋唐因之今並析繫于鑾儀衛上駟院表內云

後周

通典後周官品正三命夏官典牝典牡等上士正二命夏

官典牝典牡典駝等中士正一命夏官典駝下士

隋

隋書百官志太僕寺置卿少卿各一人尋加少卿一人丞三人主簿二人錄事二人又有獸醫博士員一百二十八統驩驪乘黃龍廐車府典牧等署各置令二人丞二人典牧丞三人隴右牧置總監副監丞以統諸牧其驩驪牧及二十四軍馬牧每牧置儀同及尉大都督帥都督等員原州駝牛牧置尉苑川十二馬牧每牧置大都督及尉各一人帥都督一人煬帝卽位多所改革太僕減驩驪署入廐內尚乘局改龍廐曰典廐署有左右駁阜二廐加置主乘司庫司廩官隴右諸牧置左右牧監各一人以司統之

謹案新唐書屈突通傳稱通在隋爲虎賁郎將隋文帝命覆隴西牧簿得隱馬二萬匹帝怒收太僕卿慕容悉達監牧官吏千五百人將悉殊死通固爭得以減論據此是隋之諸牧監悉統轄于太僕寺蓋典牧署實主其事如今右司之職也

唐

〔新唐書百官志〕太僕寺卿一人少卿二人丞四人主簿二人錄事二人掌廄牧輿輦之政總乘黃典廄典牧車府四署及諸監牧凡監牧籍帳歲受而會之上駕部以議考課諸牧監上牧監監各一人副監各二人丞各二人主簿各一人中牧監副監丞減上牧監一員

案史文不言下牧監當與中牧監同

使西使丞各三人錄事各一人北使鹽州使丞各二人掌羣牧孳課凡馬五千爲上監三千爲中監不及爲下監馬牛之羣有牧長有尉馬之駕良皆著籍良馬稱左駕馬稱右每歲孟秋羣牧使以諸監之籍合爲一以仲秋上於寺孳生過分有賞死耗亦以率除之歲終監牧使巡按以功過相除爲考課

〔初學記〕龍朔二年改太僕爲司馭寺咸亨中復舊光宅元年改爲司僕寺神龍元年復故

〔唐六典〕秦漢太僕屬官有牧師苑令魏晉以下皆監牧之職隋太僕寺統典牧署令丞唐朝因之置典牧署令三人丞四人監事八人

新唐書兵志監牧所以畜馬也其制始于近世唐之初起得突厥馬二千匹又得隋馬三千於赤澤岸徙之隴右監牧之制始于此其官領以太僕其屬有牧監副監監丞有主簿直司團官牧尉排馬牧長羣頭有正有副歲課功進排馬初用太僕少卿張萬歲領羣牧自貞觀至麟德四十年閒馬七十萬六千置八坊岐幽涇寧閒地廣千里爲四十八監馬多地狹不能容又析八監列布河西豐曠之野後以太僕少卿鮮于匡裕檢校隴西監牧儀鳳中以太僕少卿李思文檢校隴西諸牧監使監牧有使自此始又有羣牧都使閑廐使使皆置副又立四使其後益置八監于鹽州三監于嵐州

李吉甫元和郡縣志貞觀中自京師東赤澤岸移馬牧于秦渭二州之北會州之南蘭州狄道縣之西置監牧使以掌其事仍以原州刺史爲都監牧使以管四使南使在原州西使在臨洮軍北使東宮使寄治原州天寶中諸使共有五十監南使管十八監西使管十六監北使管七監東宮使管九監

謹案唐置殿中監及尚乘局以主內廐太僕專司羣牧與今制差爲相近惟乘輿輦輅猶屬之太僕寺故別有乘黃車府等署蓋兼有今鑾儀衛職掌也至監牧使領之于太僕少卿疑諸監歲時閱視皆以少卿往莅其事故獨專使名正如今太僕寺堂官每歲赴牧場稽察之

職其以原州刺史爲都監牧使則又如今以察哈爾副都統爲統轄兩翼牧場總管也

張說羣牧頌大唐接周隋亂離之後承天下戰陣之弊鳩括殘燼僅得牝牡三千從赤岸澤徙之隴右始命太僕張萬歲督其政焉而奕世載德纂修其緒肇自貞觀成於麟德四十年間馬至七十萬六千匹置八使以董之設四十八監以掌之跨隴西金城平涼天水四郡之地幅員千里猶爲隘狹更析八監布於河曲豐曠之野乃能容之於斯之時天下以一縑易一馬秦漢之盛未始間也張氏中廢馬官亂職開元皇帝旣登大寶水瑞感而河龍出星精應而天駟下二年春乃更以王毛仲主之

謹案張說時爲隴右羣牧使故作是篇

邠昂岐邠涇靈四州八坊碑頌序云張萬歲傍隴右字之四十年間成七十萬六千匹開元初唯得二十四萬匹至十九年復成四十四萬匹上耕籍之明年命邠公典馬政公召入咨元祐作小司空兼牧圉匪燒匪剔斯馬斯才先是國家以岐山近甸幽土晚寒靈州壤甘涇水流惡澤茂豐草地平鮮原當古公走馬之郊接非子大邱之埜度其四境分署八坊其五在岐餘在三郡保樂第一甘露第二保樂者隋石門馬坊也甘露先置在九成苑外有詔令新保樂徙甘露

唐會要貞觀十五年尚乘奉御張萬歲爲太僕少卿領羣

職官表卷三十一
牧不入銜麟德二年正月少卿鮮于匡裕檢校隴右郡牧
雖入銜未置使儀鳳三年十月少卿李思文檢校隴右諸
牧監使始有使號其後蘇幹等二十九人爲之元和十二
年十月開廢使張茂宗奏取麟游岐陽牧地三百四十七
頃盡歸國家侍御使范傳式覆實

謹案唐會要貞元十三年福建觀察使柳冕奏置萬安
牧監於泉州索部內馬五千七百匹以爲監牧之資人
大擾二十一年四月丙寅罷之元和十四年五月己亥
淮南置臨海監節度使兼之太和十月廢蓋牧馬宜于
秦隴萬安臨海設監非其所也故設監之始亦第以節
度觀察兼攝其事而不置使以其旋設旋廢制有未定
不及置使也

五季

五代史周本記廣順二年太僕少卿王演使于高麗

五代史何澤列傳澤以太僕少卿致仕

謹案五季諸寺監皆依唐制備官太僕少卿屢見于歐
史紀傳而不及太僕卿蓋史文偶略也

宋

宋史職官志太僕寺卿少卿丞主簿各一人掌車輅廄牧
之令少卿爲之貳丞參領之總國之馬政籍京都坊監畿
甸牧地畜馬之數謹其飼養察其治療考蕃息損耗之實
而定其賞罰馬死則斂其鬣尾筋革入于官府凡閱馬差

次其高下應給賜則如格歲終鈎覆帳籍以上駕部舊制判寺事一人以朝官以上充凡邦國廐牧車輿之政令分隸羣牧司騏驥院諸坊監本寺但掌天子五輅屬車后妃王公車輅給大中小祀羊元豐官制行始歸本寺分案五置吏十有八元祐二年詔外監事令本寺依羣牧司舊法施行應內外馬軍專隸太僕直達樞密院更不經尚書省及駕部三年詔省主簿一員崇寧二年詔太僕寺依舊制不治外事歸尚書駕部應馬事上樞密院

馬端臨文獻通考宋太僕寺所隸官司十車輅院騏驥院左右天駟監鞍轡庫養象所駝坊車營致遠務上下監中興後廢太僕併入兵部

謹案宋太僕寺所屬之車輅院養象所爲今鑾儀衛之職騏驥院天駟監爲今上駟院之職鞍轡庫爲今武備院之職俱已分析別著于表惟駝坊監官專主駝隻則正與今左司職事相合故仍繫之于此篇

宋史職官志羣牧司制置使一人景德四年置以樞密使副爲之至道三年罷而復置使一人咸平三年置以兩省以上官充副使一人以閤門以上及內侍都知充都監二人以諸司使以上充判官二人以京朝官充掌內外廐牧之事周知國馬之政而察其登耗焉其副使都監多不備置判官都監每歲更出諸州巡坊監點印國馬之蕃息者

玉海太平興國五年改河南飛龍院大名養馬務洛州養

職官表卷三十一
三十一
馬務衛州二監管城馬務同州馬務相州馬坊澶州馬務
白馬龍馬監並爲牧龍坊景德二年七月羣牧使趙安仁
言按唐六典凡馬有左右監以土地爲名欲改牧龍坊爲
監仍鑄印給之于是河南爲洛陽監天雄軍爲大名監洛
州爲廣平監衛州爲淇水監鄭州爲廣武監同州爲沙苑
監相州爲安陽監澶州曰鎮寧滑州舊龍馬監曰靈昌熙
寧元年詔河南北分置監牧使都監各一員命劉航爲河
南監牧使崔台符爲河北監牧使諸馬監分屬兩使久任
以責成效八年罷河南北監牧惟存沙苑一監隸羣牧司
謹案宋代內外馬政初皆掌於羣牧司元豐始歸其事
太僕旋亦省廢是宋之羣牧司卽今太僕寺之職蓋使
副如今之卿少卿判官如今之右司員外郎而河南北
諸馬監分置監牧使都監等官則如今之牧場各總管
也

遼

王圻續文獻通考遼南面有太僕寺及諸牧監

遼史百官志羣牧職名總目○某路羣牧使司某羣太保
某羣侍中某羣敞史○總典羣牧使司總典羣牧部籍使
羣牧都林牙○某羣牧司羣牧使羣牧副使○西路羣牧
使司○倒塌嶺西路羣牧使司○渾河北馬羣司○漠南
馬羣司○漠北滑水馬羣司○已上羣牧官

金

續文獻通考金不置太僕寺而尚廩局屬殿前都提點司

明昌四年置諸羣牧所

金史兵志金初因遼諸茂滿洲語樹木也而置羣牧天德

閒置德肯鄂爾多滿洲語德肯微高也鄂爾多阿爾本蒙古

語十數也原作富僧額滿洲語孳生也原雅蘇蒙古語骨

幹里保今改正烏哲蒙古語看也原五羣牧所皆仍遼舊名各設官

以治之又于諸色人內選家富丁多及品官家子明安穆

使之司牧謂之羣子分牧馬駝牛羊為之立蕃息衰耗之

刑賞後稍增其數為九契丹之亂亡其五世宗置所七大

定二十年更定羣牧官詳表託迪蒙古語鸚鵡也原知把

羣牧人滋息損耗賞罰格

金史百官志諸羣牧所又國語謂烏呼濟庫蒙古語滋生

古今提控諸烏呼濟庫二員正四品明昌四年置是年以

將軍尚廩局使舒穆魯貞兼慶州刺史為之設女直司吏

三人譯一人通事一人○舒穆魯原作石抹合依八旗姓

譜改使一員從六品國言作烏副使一員從六品掌檢校

羣牧畜養蕃息之事判官一員正八品掌籤判本所事知

法一員從八品惟班第音蒙古語小僧也原烏濟滿洲語

作烏解騰滿洲語今改正作忒恩謹案遼金皆有尚廩司掌王馬之政故遼太僕惟典羣

牧金則并省其官而以提控諸烏呼濟庫當太僕之職

遼之總典羣牧部籍使其所掌亦近今之太僕寺至羣

職官表卷三十一
牧使副及馬羣太保侍中之類則在外專司蕃息乃唐
宋牧監之比正如今之牧場總管等官也

元

元史百官志太僕寺秩從二品掌阿克塔斯馬匹

蒙古語阿克塔斯

斯眾駟馬也原作阿塔思今改正受給造作鞍轡之事中統四年設羣牧

所至元十六年改尚牧監十九年又改太僕院二十年改
衛尉院二十四年罷院立太僕寺又別置尚乘寺以管鞍
轡而本寺止管阿克塔斯馬匹二十五年隸中書置提調
官二員大德十一年復改太僕院至大四年仍為寺卿二
員從二品少卿二員從四品丞二員從五品經歷知事照
磨管勾各一員令史七人譯史知印通事各二人奏差四

人回回令史一人典吏二人

蘇天爵元文類經世大典序錄今牧馬之地東越耽羅北

踰和琳圖們

蒙古語二十萬數也原
作火里禿麻今改正

西至甘肅南暨雲南

凡二十四所又大都上都以及鄂尼巴雅爾

蒙古語六十間房也原
伯牙今改正

周迴萬里莫非

監牧之野在朝置太僕典御馬左股烙官印號火印之馬
太廟祀事及諸寺影堂用乳酪則供牝馬駕仗及宮人出
入則供上乘馬供上及諸王百官桐乳取黑馬乳以奉玉
食謂之細乳諸王百官者謂之粗乳又自世祖皇帝而下
山陵各有鄂瑪堆

唐古特語鄂瑪奶漿也堆
收也原作醞都今改正

取乳以供祀

事號金陵擠馬

元政典牧地馬羣或千百或三五十牧人曰哈噶齊哈喇

齊蒙古語哈噶齊圍繞也哈喇齊瞭望也原作哈赤哈刺赤今改正有千戶百戶父子相

承任事自夏及冬隨地之宜行逐水草十月各至本地朝

廷以九月十月遣守官馳驛閱視較其多寡有所產駒即

烙印取勘收除見在數目造蒙古回回漢字文冊以聞幸

上都太僕卿以下皆從先驅馬出健德門外取其肥可取

乳者以行汰其羸瘦不堪者還于羣車駕還京師太僕卿

先期遣使徵馬五十鄂瑪堆來京師鄂瑪堆者承乳車之

名也既至俾哈噶齊哈喇齊之在朝為卿大夫者秣飼之

寺官亦以旬詣閑廐閱肥瘠凡御位下正宮位下隨朝諸

色目人及甘肅土番等處草地內及江南腹地諸處應有

係官孳生馬牛牧地各置千戶百戶等名目

謹案元太僕寺供御馬蓋猶兼有今上駟院之職而與

輅車輦已別領之尚乘寺則又與唐宋之制不同至明

代而太僕惟司牧政當亦沿元之舊也

明

明史職官志太僕寺卿一人少卿一人寺丞四人其屬主

簿廳主簿一人常盈庫大使一人所轄各牧監監正一人

監副一人錄事一人各羣羣長一人卿掌牧馬之政令以

聽于兵部少卿一人佐寺事一人督營馬一人督畿馬寺

丞分理京衛畿內及山東河南六郡孳牧寄牧馬匹凡軍

民孳牧視其丁產授之種馬壯十之二牝十之八為一羣

職官表卷三十一
三十一
歲徵其駒曰備用馬齊其力以給將士將士足則寄牧于畿內府州縣肥瘠登耗籍其毛齒而時閱之三歲借御史一人印烙選其良健而汰其羸劣其草場已墾成田者歲歛其租金災祲則出之以佐市馬其賠償折納則征馬金輸兵部主簿典勾省文移大使典貯庫馬金初洪武六年置羣牧監于滁州旋改爲太僕寺秩從三品設卿少卿寺丞又設首領官知事主簿各一人七年增設牧監羣官七十七處隸太僕寺尋定羣牧監品秩十年增置滁陽等各牧監及所屬各羣改牧監令丞爲監正監副二十二年定滁陽等十二牧監每監設監正一人監副二人錄事一人來安等一百二十七羣每羣設羣長一人二十三年增置

江東當塗二牧監及所屬各羣又罷烏衣等五十四羣改置永安等七羣定爲牧監十四羣九十有七二十八年悉罷羣牧監以其馬隸有司牧養三十年置行太僕寺于北平秩如太僕寺建文中陞寺丞品秩又改其首領官職名增設錄事及典廩典牧二署驪驥等十六羣滁陽等八牧監龍山等九十二羣成祖復舊制永樂元年改北平行太僕寺爲北京行太僕寺十八年定都北京遂以行太僕寺爲太僕寺洪熙元年復稱北京行太僕寺正統六年定爲太僕寺其舊在滁州者改爲南京太僕寺

歸有光馬政志太僕寺統羣牧監令民養馬而太僕專領之內廄自有御馬監惟或乏馬于太僕取之而鹵簿儀仗

陳設大駕駕部與環衛司之皆不復關于太僕南京太僕寺故留京若行太僕寺苑馬寺亦并建無所統一遼東西陝西有行太僕遼東陝西又有苑馬甘肅有行太僕而舊亦有苑馬苑馬之設遼東則有水寧監清河苑深河苑陝西則有長樂監開盛安定廣寧苑靈武清平萬安苑皆前代善水草之地苑馬之設最盛惟不領于太僕與古異〔明會典〕馬政有太僕苑馬寺專理而統于兵部凡太僕寺南京太僕寺行太僕寺各以地方分屬而少卿之巡視提督寺丞之分管亦各有分地凡各屬皆有管馬官府以通判州以判官縣以丞簿衛以指揮所以千百戶宏治十八年令各州縣馬不及五百匹者罷管馬官以掌印官帶管

此馬政之大概也若內廄馬匹則領于御馬監部寺不得與云

謹案自邱甸出車之制既廢秦漢以後戎馬皆養于官而以太僕專司其事漢之牧師諸苑唐之四十八監宋之十四監明之遼東陝西諸監苑其制相沿利害得失之由具詳史冊說者謂唐代牧馬蕃息稱爲極盛然觀史載唐馬七十萬匹而杜甫天育驃騎歌僅云四十萬則史家誇飾已難盡信兼之河西牧地旋陷吐蕃馬皆市之回紇史稱四十縑始易一馬率瘠篤無用而縑帛皆取諸民江淮織輸人以爲累其立法之敝尤可概見宋初亦用監牧其後盡廢之而以官馬責民守養于是

戶馬保甲馬社馬之法興科條峻急賠償不訾重爲民病馬益耗而民益困明代復踵其失悉牧之民間歲令納駒民苦養馬孳生輒害之則又改徵價銀有本色折色之例其草場牧地則勒馬戶佃種徵其子粒軍民貽累無窮重以官吏侵漁有名無實終未嘗取一騎之用自古馬政未有壞于明代者我

朝考牧精詳斯臧誌慶卽口外草肥土衍之地分置牧廠自太僕寺左右翼暨上都達布遜諾爾達里岡愛烏梁海大凌河以及各蒙古部落孳牧者共馬二十萬二千八百餘匹內地初無養馬之煩而雲錦成羣遠軼前世其滿漢各營及各省驛遞塘站馬共二十二萬五千二

大四百四十五

百餘匹皆月給馬乾銀按地分飼條格周備咸資實用近者西土砥平遐方慕化哈薩克拔達克山等部競以所產上貢

天閑每歲復許令以馬市易所司差良驚定直不及內地三分之一所用絲縑皆各織造平售織送公私利便仍于烏魯木齊及伊犁廣設牧羣以爲新疆駐守各兵之用其羸則撥補內地各標營額缺蓋維經理得宜故不動聲色而閑廩充盈永久無弊牧政之善古今莫及彼駮牝垆野播咏歌詩固無能比擬於萬一也

欽定歷代職官表卷三十一

太倉錢清詒初校
南海羅崇齡覆校
番禺陶福祥再覆校

欽定歷代職官表卷三十二

順天府表

順天府表	
三代	周 <small>鄉師下大夫</small>
秦	內史
漢	右內史 <small>京兆尹</small>
後漢	河南尹
三國	魏 <small>河南尹</small>
晉	河南尹 <small>丹陽尹</small>
宋齊	梁陳 <small>丹陽尹</small>
北魏	代尹 <small>河南尹</small>
北齊	清都尹
隋	京兆尹
唐	京兆尹
五季	開封尹
宋	權知開封府 <small>開封府</small>
遼	五京行大興府 <small>府尹</small>
金	大興府 <small>府尹</small>
元	大都路 <small>府尹</small>
明	順天府 <small>府尹</small>

職官表卷三十一 順天府表

廣雅書局刊

府丞治中

京兆丞河南丞	魏治中	丹陽丞代尹丞清都丞	京兆丞京兆少尹	開封少尹京兆少尹	大興同大都路順天府知都總管丞
長安市洛陽市長丞	丹陽市長丞	京邑市長丞	小司市市贊令兩京市贊令	開封府判官	大興府大都路順天府判官通判
周廩人尹			市贊令		大興府判官
丹陽市長丞					大興府判官
京邑市長丞					大興府判官
小司市市贊令					大興府判官
市贊令					大興府判官
開封府判官					大興府判官
大興府大都路順天府判官					大興府判官
大興府判官					大興府判官

經歷照磨司獄

督郵史魏河南功曹	魏河南功曹	代郡通清都主簿	京兆主京兆司錄奏軍	開封司錄奏軍	大興府大都路順天府
曹河南功曹	河南五曹	清都五曹	京兆功曹	京兆司錄奏軍	大興府大都路順天府
曹河南功曹	河南五曹	清都五曹	京兆功曹	京兆司錄奏軍	大興府大都路順天府
曹河南功曹	河南五曹	清都五曹	京兆功曹	京兆司錄奏軍	大興府大都路順天府
曹河南功曹	河南五曹	清都五曹	京兆功曹	京兆司錄奏軍	大興府大都路順天府
曹河南功曹	河南五曹	清都五曹	京兆功曹	京兆司錄奏軍	大興府大都路順天府
曹河南功曹	河南五曹	清都五曹	京兆功曹	京兆司錄奏軍	大興府大都路順天府
曹河南功曹	河南五曹	清都五曹	京兆功曹	京兆司錄奏軍	大興府大都路順天府
曹河南功曹	河南五曹	清都五曹	京兆功曹	京兆司錄奏軍	大興府大都路順天府
曹河南功曹	河南五曹	清都五曹	京兆功曹	京兆司錄奏軍	大興府大都路順天府

崇文門副使 大興宛平宛興大 知縣等官

咸陽令

長安令 洛陽令 長安丞 洛陽丞

洛陽令 建康令

洛陽令 成安令 河陰令 縣令

大興長 萬年長 安令 安令 大興長 萬年長 安丞 萬年丞 安丞 萬年丞

知開封 祥符三 縣事

大興宛 宛平大 大興宛 宛平大 宛平令 興寧達 平知縣 丞主簿 縣丞主 丞主簿 縣丞主 簿典史 簿典史

臨安府 財賦司

崇文門 稅課司 副使

府學教授訓導

河南文 學守助 錄

司州文 學

京兆府 經學博士 助教

開封府 學博士

大都路順天府 提舉學使 校所提舉 學教授 錄 學正 錄

順天府

國朝官制

順天府尹漢人一人正三品丞漢人一人正四品

尹掌

京畿治理凡田賦出納之政以時勾稽會直隸總督而上其要於戶部凡師行則主和雇民車歲以立春前一日率僚屬迎春東郊遂進春於

宮門退而頒春於民間以勸東作

耕藉則具耒耜絲鞭實青箱以種稷奉之以從鄉試則充監臨凡考試咸司其供具焉丞掌學校之政令鄉試則充提調官以佐尹而經理之員額俱順治元年定雍正元年以來

以部院大臣兼管府事皆由

特簡無定員

治中漢人一人正五品通判漢人一人正六品

治中掌供文武鄉會試之饗餼製卷以授諸生通判掌京城各市牙僧之籍而權其常稅鄉會試則治其名簿焉

國初設治中一人通判三人推官一人順治六年省通判二人康熙六年省推官員額

經歷司經歷漢人一人從七品照磨漢人一人從九品司獄司司獄漢人一人從九品崇文門副使漢人一人未入流

經歷掌出納文書照磨掌鄉試繕冊彌封之事司獄掌刑部所送軍流徒罪人收繫而發遣之副使掌守崇文門庫

藏員額俱順治元年定舊設有知事一人檢校一人康熙六年省庫大使一人康熙三十九年省崇文門大使一人

康熙四十年省

大興縣知縣一人正六品宛平縣同縣丞一人正七品典史一人未入流巡

檢三人從九品牘官一人未入流宛平縣知縣一人縣丞二人主簿一人正九品典史一人巡檢四人牘官一人

大興宛平知縣各掌其縣之政令與五城兵馬司分壤而治撫和兆人緝禁姦匪頒布教條品秩服章視外縣加一等縣丞以下咸佐知縣以分掌其事焉又初設有廣源牘牘官一人順治十年省張家灣宣課大使一人康熙四十年省遞運所大使一人康熙三十八年省

儒學教授滿洲漢人各一人正七品訓導滿洲一人正七品漢人一

人從七品

掌八旗及京師蠻序訓課之政

國初設府學漢人教授一人訓導六人京衛武學漢人教授一人訓導二人順治二年省武學訓導員額三年省府學訓導四人康熙四年又省二人十五年復設府學訓導武學訓導各一人雍正三年改京衛武學為順天府武學四年罷武學之制增置儒學滿洲教授訓導各一人

謹案順天府初止轄大興宛平二縣康熙十五年始以昌平良鄉等州縣併隸順天府今所屬自大興宛平以外凡州縣二十有五設東西南北四路同知以分領之

皆兼統於直隸總督其職制員數已別載入州縣篇故不具於此表

歷代建置

三代

尚書君陳命汝尹茲東郊孔安國傳命君陳正東郊成周之邑里官司

謹案尹之訓為正洪範師尹惟日孔安國傳云眾正官之吏孔穎達疏謂正官大夫與其同類之官為長則尹乃官僚居首者之號故春秋列國以尹名官者如楚有工尹連尹莠尹鍼尹環列之尹宮廋尹中廋尹寢尹監馬尹左尹右尹宋有大尹門尹之類屢見於左氏傳今

京府稱尹昉於漢代則又取君陳尹茲東郊之文以爲義謹首著於此

周禮地官鄉師下大夫四人各掌其所治鄉之教而聽其治以國比之法以時稽其夫家眾寡辨其老幼貴賤廢疾馬牛之物辨其可任者與其施舍者掌其戒令糾禁聽其獄訟大役則帥民徒而至治其政令大軍旅會同正治其徒役與其輦輦歲終則攷六鄉之治以詔廢置正歲稽其鄉器若國大比則攷教察辭稽器展事以詔誅賞

謹案周時分建六官未有守令之職故後世京師諸官府多與周制相承而京尹獨無可比附自來考職官者皆以京尹爲起於秦之內史而不復推及於周然以王

城之地京大師眾民物繁阜不容無人焉以治之謹嘗參稽經義尋繹原委而知地官之鄉師實與今京尹職守有相合者何以言之周法以六鄉爲首善之區故司徒所主民事於六鄉爲九詳鄭司農謂百里以內爲六鄉外爲六遂四面而環王城鄉師四人以兩人共主三鄉其王城以內亦當在六鄉之數故小司徒稽國中及四郊都鄙之夫家九比之數鄉師以時巡國及野而闕萬民之躋阨鄉大夫登夫家之眾寡國中自七尺以及六十野自六尺以及六十有五悉以國中與郊野對舉知所謂國中者卽如今之京城郊野卽如今順天府所轄州縣之地而皆屬鄉師又小司徒大比六鄉四郊之

職官表卷三十一
十一
吏平教治正政事鄭康成謂吏在四郊之內主民事者而以六鄉統之亦如今順天府屬州縣官之比故鄉師之職所謂掌其戒令糾禁聽其獄訟治其徒役與其輦輦者無一非今順天府所有事特周鄉師四人而後世但臨以一尹則古今之各有異宜也至秦漢官名之同於周舊者如太僕司隸之屬於取義尙不甚相遠而獨內史之王京師則按之周官全不得其命名之故惟考鄉大夫獻賢能之書於王有內史貳之之文意者周秦之間鄉遂之制既廢而三年大比之式尙存於內史因姑取其名以代鄉師之官因襲變遷其由來固當有所自耳

周禮地官司市下大夫二人上士四人中士八人下士十有六人府四人史八人胥十有二人徒百有二十人掌市之治教政刑度量禁令塵人中士二人下士四人府二人史四人胥二十人徒二十人掌斂市斂布總布質布罰布塵布而入于泉府鄭康成注斂布列肆之稅塵布貨賄諸物邸舍之稅

謹案日中爲市欺詐易生故周禮特設司市以董治之而質人以質其成塵人以斂其布皆所以平爭而禁僞兩漢而後設市令丞於都城以主百族交易其立制蓋本於此今市政之在各州縣者已併隸於地方長吏惟順天府通判主徵身稅正與斂斂布塵布者其事相合蓋猶兼有周司市及塵人遺意故並系之於表而歷代

市令長丞之職亦以類附及焉

秦

杜佑通典周官有內史秦因之掌治京師

三輔黃圖秦并天下置內史以領關中

史記秦始皇本紀咸陽令閻樂

漢

漢書百官公卿表內史掌治京師景帝二年分置左內史

右內史右內史武帝太初元年更名京兆尹屬官有長安

市廚兩令丞左內史更名左馮翊長安門市長丞屬焉主

爵中尉更名右扶風治內史右地與左馮翊京兆尹是為

三輔皆有兩丞秩二千石丞六百石

三輔黃圖漢高祖定三秦更為渭南郡九年復為內史始

都之景帝分置左右內史此為右內史武帝太初元年改

內史為京兆尹與左馮翊右扶風謂之三輔其治俱在長

安城中

顏師古漢書注京兆在尚冠前街東入故中尉府馮翊在

太上皇廟西入右扶風在夕陰街北入故主爵府長安以

東為京兆長陵以北為左馮翊渭城以西為右扶風

漢書趙廣漢傳廣漢遷京輔都尉守京兆尹

漢書王尊傳尊為諫大夫守京輔都尉行京兆尹事

漢書酷吏傳義縱遷長安令直法行治不避貴戚尹賞以

三輔高第選守長安令得一切便宜從事

漢書趙廣漢傳使長安丞龔奢叩堂戶

漢書張敞傳敞守京兆尹賊捕掾絮舜下獄敞使主簿持

教告舜

漢書趙廣漢傳新豐杜建為京兆掾

漢書游俠傳萬章為京兆尹門下督從至殿中

謹案漢三輔雖並治長安然各有分壤其都城以內不

屬馮翊扶風故張敞傳稱京兆典京師長安中浩穰於

三輔九劇而黃圖亦稱都城為右內史地是長安城內

全隸於京兆可知考之於史如雋不疑為京兆尹京師

吏民敬其威信趙廣漢為京兆尹發長安吏自將至博

陸侯霍禹第廩索私屠酤又率長安丞捕賊而張敞為

京兆尹長安市無偷盜長安官司吏卒皆統帥於京兆

尹馮翊扶風所轄但在都城以外其於長安吏事固未

嘗有所預也至如趙廣漢王尊之為京兆尹一以京輔

都尉稱守一以諫大夫守京輔都尉稱行其他似此者

尚多殆當時以此職最要不輕授人故俱先令攝署以

觀其能否耳又京兆賊捕掾門下督諸職不見於百官

表蓋京兆尹所自辟除如今照磨司獄之流歟又按歷

代京牧俱稱劇任而西漢之京兆尹尤難稱職史所載

能於其官者以韓張兩王為最著六抵皆以武健嚴酷

為用而循吏如黃霸等一為京兆其聲望遂以頓減甚

且獲罪罷官其難治至於如此推求其故則漢之都城

其大患有二一曰豪猾一曰盜賊蓋漢初沿戰國之餘習其豪民爭以游俠相尙報仇怨結刺客者方羣聚於長安如王尊傳所稱宿豪大猾東市賈萬城西萬章箭張禁酒趙放之徒無不結黨犯法以撓吏權而諸陵既建陵邑盡徙天下豪家富族以實關中積爲姦藪如原涉傳所稱長安五陵諸爲氣節者實卽一時亂政之尤又長安市偷盜盛行尹賞傳載城中薄暮塵起剽劫行者死傷橫道桴鼓不絕其事亦後世所罕有其他若發民治馳道發衛士詣北軍俱見黃霸傳爲司隸校尉發吏捕人見王尊傳悉責辦於京兆諸務冗雜宜爲守尹者芒刃稍頓卽不能擊斷也然觀趙廣漢傳稱左馮翊右扶風皆

治長安中犯法者從跡喜過京兆界廣漢嘆曰亂我治者常二輔也足知當時三輔並建東西藏匿易以潛奸故京兆更以掣肘爲病亦由其立法之未爲盡善矣

後漢書百官志河南尹一人主京都二千石丞一人

通典光武中興徙都洛陽改太守爲尹章綬服秩與京兆同主京都特奉朝請

後漢書董宣列傳特徵爲洛陽令搏擊豪強莫不震慄周綉列傳徵拜洛陽令貴戚踴躄京師肅清王渙列傳遷爲洛陽令以平居身得寬猛之宜

後漢書魯恭傳仁恕掾肥親章懷太子李賢注仁恕掾主獄屬河南尹

職官表卷三十二
劉昭後漢書志注漢官曰河南尹員吏九百二十七人十
二人百石諸縣有秩三十五人官屬掾史五人四部督郵
史部掾二十六人案獄仁恕三人監津渠漕水掾二十五
人百石卒史二百五十八人文學守助掾六十八人書佐五十
人循行二百三十人幹小史三百三十一人洛陽令秩千
石丞三人四百石員吏七百九十六人十三人四百石鄉
有秩獄史五十六人佐史鄉佐七十七人斗食令史嗇夫
假五十人掾史幹小史二百五十八人書佐九十八人循行二
百六十八人

唐六典後漢河南尹屬官有洛陽市長丞

謹案東漢京兆尹左馮翊右扶風以陵廟所在不改其

號然品秩與諸郡太守同非京尹可比今故不列於表
至河南尹職任繁劇而洛陽特置詔獄爲刑名之總滙
故洛陽令必以強幹者居之每詔三公特選視西漢之
長安令其任爲更重云

三國

裴松之三國志注傅子曰河南尹內掌帝都外統京畿兼
古六鄉六遂之士其民異方雜居多豪門大族商賈胡貊
天下四方會利之所聚而姦之所生前尹司馬芝舉其綱
而太簡次尹劉靜綜其目而太密後尹李勝毀常法以收
一時之聲聶立司馬氏之綱統裁劉氏之綱目以經緯之
李氏所毀以漸補之郡有七百吏半非舊也河南俗黨五

職官表卷三十一
官掾功曹典選職皆授其本國人無用異邦人者故各舉其良而對用之

唐六典魏有治中

謹案東漢河南尹員吏九百二十七人而曹魏時河南吏已減至七百人蓋其繁劇之形已較損於漢代矣

晉

晉書職官志郡皆置太守河南郡京師所在則曰尹又置主簿主記室門下賊曹議生門下史記室史錄事史書佐循行幹小史五官掾功曹史功曹書佐循行小史五官掾等員

太平御覽王隱晉書曰泰始六年詔曰河南大郡四方表

則中書令庾純清粹中正才經治化其以純爲河南尹

晉書王衍列傳衍轉河南尹樂廣列傳累遷侍中河南尹

唐六典晉置別駕治中

司馬光資治通鑑晉惠帝永平九年洛陽令曹攄

謹案晉依漢魏之制置河南尹洛陽令於都城案之職制自當以郡統縣然觀資治通鑑載惠帝廢愍懷太子故臣冒禁拜辭司隸校尉滿奮收縛送獄河南尹樂廣即便解遣而繫洛陽獄者猶未釋都官從事孫珍說賈謐令釋之胡三省注曰付郡者河南尹得解遣之繫洛陽獄者尹不得與故未釋據此則河南洛陽各有獄其在洛陽者皆令自決遣並不關白於尹疑當時洛陽實

主詔獄故其權獨重也

唐六典歷代所都皆爲尹晉江左爲丹陽尹

歐陽詢藝文類聚晉太興元年改丹陽內史爲丹陽尹

晉書王坦之列傳遷中書令領丹陽尹劉惔列傳惔累遷

丹陽尹爲政清肅門無雜賓

謹案晉南渡後以建康爲都城丹陽旣改爲尹則建康

令亦當與洛陽令相同特其明文不見於史耳

唐六典市長丞東晉隸丹陽尹

宋齊梁陳

宋書州郡志丹陽尹治建業

南齊書百官志丹陽尹位次九卿下

謹案南朝諸代皆以揚州刺史爲京輦重任以諸王領之丹陽尹職雖雄緊不免受制於揚州宋彭城王義康傳義康領揚州刺史欲以所親劉斌爲丹陽尹此卽揚州與丹陽互相表裏之一證宜前後任是官者多不能稱其職也

梁書王志列傳天監元年遷冠軍將軍丹陽尹袁昂列傳普通三年爲中書監丹陽尹

梁書太祖五王列傳安成王機普通二年遷明威將軍丹陽尹衡山侯恭遷中書監丹陽尹恭世子靜歷東宮領直遷丹陽丞

隋書百官志建康舊置獄丞一人天監元年詔依廷尉三

官置正平監又令三官更直一日分受罪繫事無大小悉與令籌若有大事共詳三人具辨脫有同異各立議以聞資治通鑑梁太清二年建康令謝挺隋書百官志陳丹陽尹中二千石品第五郡丞六百石建康令千石品並第七

謹案梁以建康令主獄事至別置建康三官與令籌決以重其職蓋亦沿漢晉洛陽令掌詔獄之例陳書載陸虞判廷尉建康二獄事則其制猶未改也

北魏

魏書官氏志建和元年三月改代尹為萬年尹代令為萬年令後復代尹第三品上京邑市令代尹丞從第五品中

代郡通事第七品上高祖復次職令河南尹第三品洛陽令第五品河南郡丞第六品司州文學從第八品

通典後魏太和中遷都洛陽又置河南尹東魏曰魏尹

南齊書封隆之列傳隆之父子繪仕魏為司徒左長史行

魏尹事乾明初轉大司農尋正除魏尹

魏書世宗本紀正始元年八月詔洛陽令有大事聽面敷奏

魏書高謙之列傳謙為河陰令舊制二縣令得面陳得失時佞倖之徒惡其有所發聞遂共奏罷謙之上疏曰臣謬宰神邑實思奉法不撓臣父崇之為洛陽令常得入奏是非所以朝貴斂手乞更明往制庶姦豪知禁

謹案北魏初都平城孝文遷洛陽孝靜遷鄴故代河南魏三郡皆爲京尹至漢晉治京城者惟洛陽一合而魏之河陰合亦得視洛陽稱爲二縣則如今大興宛平之並爲京縣也

北齊

隋書百官志後齊司州置牧屬官有別駕從事史治中從事史等員又領西東市署令丞及統清都郡諸畿郡清都郡置尹丞中正功曹主簿督郵五官門下督錄事主記議生及功曹記室戶田金租兵騎賊法等曹掾中書掾等員鄴臨漳成安三縣令各置丞中正功曹主簿門下督錄事主記議及功曹記室戶田金租兵騎賊法等曹掾員

北齊書段榮列傳勅濬京城北隍司州治中崔龍子清都尹丞李道隆鄴縣令尉長卿臨漳令崔象成安令高子微等並典作

謹案漢置司隸校尉督察京師魏晉以後以爲司州乃部刺史之任而京尹則郡太守之任各有職事不相臨攝六朝改司州爲揚州其權勢始見偏重而亦未有統屬北齊置清都尹始統之以司州牧與歷代稍有不同然考之列傳如范陽王紹義等皆以宗室爲之則其職亦未嘗不重也

後周

唐六典後周復爲京兆尹又置雍州牧

職官表卷三十一
三十一
〔通典〕後周司市下大夫正四命小司市上士正三命
謹案唐六典稱後周置雍州牧又有京兆尹而當時依
倣周制復設鄉伯中大夫小鄉伯下大夫上士中士等
官其職掌所別不得而詳然稽之周書紀傳亦未見有
曾爲京兆尹者疑雖有其名實未嘗授人也

隋

〔隋書百官志〕雍州置牧屬官有別駕贊務等員京兆郡置
尹丞正功曹主簿金戶兵法士等曹佐等員并佐史二百
四十四人大興長安縣置令丞正功曹主簿西曹金戶兵
法士曹等員并佐史合一百四十七人雍州牧從二品京
兆尹正三品雍州別駕贊務從四品大興長安令京兆郡

丞從五品大興長安丞從七品開皇三年罷郡以州統縣
改別駕贊務爲長史司馬煬帝罷州置郡京兆河南則俱
爲尹並正三品罷長史司馬置贊務一人以貳之京兆河
南從四品上次置東西曹掾京兆河南從五品上大興長
安河南洛陽四縣令並增爲正五品其後諸郡各加置通
守一人位次太守京兆河南則謂之內史又改贊務爲丞
位在通守下

〔唐六典〕後周置雍州牧隋因之大業三年罷州置郡京兆
河南皆爲尹則兼牧之任矣

〔隋書百官志〕司農寺市署令二人市有肆長四十人煬帝
定令太府寺管京都五市署京師東市曰都會西市曰利

人東都東市曰豐都南西市曰大同北市曰通遠
謹案治中別駕贊務諸官歷代皆隸於司州至隋併州
入郡始爲京尹之佐其品秩視尹僅相去一階蓋如今
順天府丞之職而當時又別有京兆河南郡丞則秩止
五品其班位在洛陽長安諸令之下乃京尹之屬僚非
今府丞可比自隋煬帝復改贊務爲丞而丞始定爲尹
貳名實異同固不必其相沿者矣至贊務卽治中所
改考之唐六典則當時實作贊治今隋書之稱贊務者
蓋修史時避高宗諱也

唐

唐六典京兆河南太原府牧各一人從二品尹一人從三
品掌清肅邦畿考覈官吏宣布德化撫和齊人少尹二人
從四品下掌貳府事以紀綱眾務通判列曹司錄參軍事
二人正七品上錄事四人從九品上掌省署抄目糾正非
違監守符印功曹參軍事二人正七品下掌官吏考課之
事倉曹參軍事二人正七品下掌公廩倉庫租賦之事戶
曹參軍事二人正七品下掌戶籍計帳之事兵曹參軍事
二人正七品下掌兵甲器仗之事法曹參軍事二人正七
品下掌鞫獄定刑之事士曹參軍事二人正七品下掌百
工眾藝之事參軍事六人正八品下掌出使檢校之事經
學博士一人從八品上助教二人以五經教授諸生○萬
年長安河南洛陽奉先太原晉陽各一人正五品上丞二

人從七品上令掌導揚風化撫字黎氓丞爲之貳主簿二人從七品上掌付事勾稽省署抄目糾正非違監印給紙筆雜用之事錄事二人從九品下掌受事發辰檢勾稽失

〔新唐書百官志〕武德元年雍州置牧一人以親王爲之然常以別駕領州事永徽中改尹曰長史開元元年改京兆河南府長史復爲尹

〔舊唐書百官志〕開元初雍洛并改爲府乃升長史爲尹從二品專總府事魏晉有治中隋文改爲司馬煬帝改爲贊治又爲丞武德改爲治中永徽避高宗名改爲司馬開元初改爲少尹

〔通典〕大唐京兆府本爲雍州置牧一人以親王爲之太宗爲秦王中宗爲英王睿宗爲相王時並居其任多以長史理人開元元年改雍州爲京兆府置牧如故掌宣風導俗肅清所部或以親王居閭而遙領焉初雍州置別駕以貳牧之事永徽中改別駕爲長史開元初改雍州長史爲京兆尹總理眾務

謹案自兩漢以州領郡雖京師所治亦然其司隸校尉司州刺史司州牧雍州牧及江左所置揚州刺史皆州任也歷代所爲京兆河南丹陽等尹者則郡任也隋文帝罷郡置州而尹之事全併於牧煬帝復罷州置郡而牧之事又全併於尹於是州郡之事始合爲一牧尹之職亦混而無所區分唐初置牧以爲京府正官設別駕

長史以貳之而所謂牧者乃以未出閭之皇子領其事於是使別駕長史專行郡事責重位輕殊非大小相維之義元宗改長史爲尹始克以正官莅職而領牧者仍並置不廢虛名無實終爲枝冗失宜

國朝定制以府尹事繁常

命部院大臣一人兼司其事蓋亦領牧之遺意而事任益專綱條嚴肅於吏治倍資整飭矣

又案隋唐以前畫疆分治者有州有郡未有府名唐元宗開元元年十二月改雍州爲京兆府洛州爲河南府於是兩都始建府治然特因京郡重地故隆以此名其他則仍稱某州某郡而已非得槩膺府號也自宋世以

潛藩之地皆依京郡故事升之爲府於是府名始多然非諸帝所嘗分封建節者仍不得預至元明始以天下州郡槩改爲府無復差別矣顧推求事始其府名實爲京郡而設謹附考於此以明原委焉

唐六典兩京諸市署令各一人從六品上丞各二人正八品上掌百族交易之事

五季

五代史梁本紀末帝貞明五年開封尹王瓚

五代史唐本紀莊宗同光二年河南尹張全義家人傳唐秦王從榮拜河南尹唐廢帝子重美自左衛上將軍兼河南尹

五代史王朴傳遷左諫議大夫知開封府事

謹案五季梁都汴州置開封尹唐都洛陽爲河南尹石
晉復都於汴仍爲開封尹宋史職官志謂五代俱置開
封府尹者誤也

宋

宋史職官志開封府牧尹不常置權知府一人以待制以
上充掌尹正畿甸之事以教法道民而勸課之中都之獄
訟皆受而聽焉小事則專決大事則稟奏若承旨已斷者
刑部御史臺無輒糾察屏除寇盜有姦伏則戒所隸官捕
治凡戶口賦役道釋之占京邑者頒其禁令會其帳籍大
禮橋道頓遞則爲之使仗內奉引則差官攝牧其屬有判

官推官四人日事推鞫分事以治而佐其長領南司者一
人督察使院非刑獄訟訴則主行之司錄參軍一人折戶
婚之訟而通書六曹之案牒功曹倉戶曹兵曹法士曹參
軍各一人視其官曹分職莅事分案六置吏六百開封典
司轂下自建隆以來爲要劇之任至熙寧間增給吏祿禁
其受賕省衙前役以寬民力釐析獄訟歸於廂官而治事
視前日損去十四元祐六年王巖叟言左右廳推官公事
詞狀初無通治明文請事繫朝廷及奏請通治外餘並據
號分治從之紹聖三年詔開封祥符知縣事自今選秩通
判人充崇寧三年蔡京奏乞罷權知府置牧一員尹一員
專總府事少尹二員分左右二府之政事牧以皇子領之

職官表卷三十一
尹以文臣充在六曹尙書之下侍郎之上少尹在左右司
郎官之下列曹郎官之上以士戶儀兵刑工爲六曹次序
司錄二員六曹各二員參軍事八員開封祥符兩縣置案
倣此易胥吏之稱畧依唐六典制度又請移開封府治所
於舊尙書省從之五年詔開封尹屬官參軍等並依舊員
額大觀元年李孝壽乞增置府學博士一員從之詔開封
府六職閑劇不同如士曹之官惟主到罷批書而刑戶事
繁自今凡士之婚田鬪訟皆在士曹餘曹倣此二年詔皇
子領牧祿令如執政官又詔天下州郡並依開封府分曹
置掾政和二年復置開封府學錢糧官一員○臨安府舊
爲杭州建炎三年詔改爲臨安府紹興置知府一員通判

二員簽書節度判官廳公事節度推官觀察推官觀察判
官錄事參軍左司理參軍右司理參軍司戶參軍司法參
軍各一員本府掌畿甸之事籍其戶均其賦役頒其禁令
置兩總轄承受御前朝旨文字凡御寶御批實封有所取
索則供進凡省臺寺監監司符牒及管下諸縣及倉場等
申到公事則受而理之凡大禮及國信隨事應辦祠祭其
其禮料會聚陳其幄帟人使往來辦其舟楫皆先期飭於
有司領縣九分士戶儀兵刑工六案内戶案分上中下案
外有免役案常平案上下開拆司財賦司大禮局國信司
排辦司修造司各治其事置吏點檢文字都孔目官副孔
目官節度孔目官觀察孔目官各一名磨勘司主押官正

職官表卷三十一
開拆副開拆官各一人下名開拆官二名押司官八人前
後行守分二十一人貼司三十人乾道七年皇太子領尹
事廢臨安府通判簽判置少尹一員日受民詞以白太子
閒日率僚屬詣宮稟事置判官二員推官三員有旨少尹
比做知府判官比通判推官比幕職其統臨職分並照從
來條例九年皇太子解尹事臨安府知通簽判推判官並
依舊置

馬端臨文獻通考四朝志尹以親王爲之號判南衙凡命
知府必帶權字以翰林爲之翰林學士及雜學士若待制
則權發遣而已

顧炎武日知錄宋初太宗真宗皆嘗爲開封府尹後無繼
者乃設權知府一人所以避京尹之名也

李燾續資治通鑑長編英宗治平四年二月提點開封府
界諸縣鎮公事祠部郎中陳汝羲判三司都磨勘司知開
封縣都官員外郎羅愷提點府界諸縣鎮公事愷入見上
問以開封事皆不能知上不悅又見汝羲問以府界事應
答詳敏翌日謂執政曰愷不才宜復用汝羲代之仍與館
職

謹案宋之開封府事權最重刑獄皆自斷決不關刑部
御史臺大理寺小者并不奏聞故居是職者大都以幹
辦著名而亦不免專恣之弊真宗時以趙昌言奏始令
其皆錄款聞奏付刑部詳覈然定案猶在開封今制順

天府屬刑名皆歸直隸按察司審轉由總督題奏其京城訟獄事關重大者則由府尹審錄送刑部治之職事相維視宋制益爲詳慎至宋崇寧中定開封府掾屬爲士戶儀兵刑工六曹開封祥符兩縣亦準此式大觀初遂令天下州縣並依開封分曹置掾今各直省府州縣書吏分六房以治案牘實始於此特宋猶以流外官爲之明初以來則但以庶人在官者充其任其選爲益輕耳

遼

遼史職官志某京畱守行府尹事聖宗統和元年見上京畱守行臨潢尹事吳王某府少尹聖宗太平四年見臨潢

少尹鄭宏節

王圻續文獻通考遼南面五京尹爲五京畱守司俱兼府尹職

謹案遼雖分建五京而每歲四時巡幸春水秋山實無定所並不常在京師故五京皆置畱守司令兼府尹之事軍民俱歸統轄蓋以駐蹕時少特重其權以資彈壓也

金

金史百官志大興府尹一員正三品掌宣風導俗肅清所部總判府事兼領本路兵馬都總管府事車駕巡幸則置畱守同知少尹判官惟畱判不別置以總判兼之同知一

職官表卷三十一
員從四品掌通判府事少尹一員正五品掌同同知總管判官一員從五品掌紀綱總府眾務分判兵案之事府判一員從五品掌諮議參佐糾正非違紀綱眾務分判吏禮工案專推官二員從六品掌同府判分判戶刑案事內戶推掌通檢推排簿籍舊一員大定五年增一員知事一員正八品掌付事勾稽省署文牘總錄諸案之事都孔目官女直司一員漢人司一員職同知事掌監印監管案牘不常置省則吏目攝知法三員從八品女直一員漢人二員掌律令格式審斷刑名女直教授一員○赤縣謂大興宛平縣一員從六品掌養百姓按察所部宣導風化勸課農桑平理獄訟捕除盜賊禁止游惰兼管常平倉及通檢推排簿

籍總判縣事丞一員從八品掌貳縣事主簿一員正九品掌同縣丞○市令司惟中都置令一員正八品丞一員正九品

謹案宋代始以府名加潛藩之地金則大郡亦多升爲府金史地理志謂之散府元明而後天下州郡悉改稱府其原實起於此時又散府守臣得並稱爲尹其制亦與歷代爲不同云

元

元史百官志大都路都總管府秩正三品達魯噶齊解見戶部二員都總管一員副達魯噶齊二員同知二員治中二員判官二員推官二員經歷二員知事二員提檢案牘四

員照磨兼管勾一員令史九十有五人譯史二人同同令
史一人通事知印各二人奏差二十一人國初爲燕京路
總管大興府中統五年稱中都路至元九年改號大都二
十一年始專置大都路總管府秩從三品置都達魯噶齊
都總管等官二十七年升爲都總管府進秩正三品領府
一州十有一凡本府官吏惟達魯噶齊一員及總管推官
專治路政其餘皆分任供需之事故又號曰供需府焉○
大都路提舉學校所秩正六品提舉一員教授二員學正
二員學錄一員至元二十四年旣立國學以故孔子廟爲
京學而提舉學事者仍以國子祭酒繫銜○宛平縣秩正
六品達魯噶齊一員尹一員丞三員主簿三員尉一員典

史三員司吏二十六人至元十一年置治大都麗正門以
西○大興縣秩正六品達魯噶齊一員尹一員丞一員主
簿二員尉一員典史三員司吏一十五人至元十一年置
治大都麗正門以東

謹案元於京都不稱府而稱路不置尹而置達魯噶齊
總管等員與外諸路無異特加都字爲稍有差別耳又
考地理志中書省統山東西河北之地謂之腹裏爲路
二十九首卽大都路則當時又屬於中書省也

明

〔明史職官志〕順天府府尹一人正三品府丞一人正四品
治中一人正五品通判六人正六品嘉靖後革三人推官

一人從六品儒學教授一人從九品訓導一人其屬經歷
司經歷一人從七品知事一人從八品照磨所照磨一人
從九品檢校一人所轄宛平大興二縣各知縣一人正六
品縣丞二人正七品主簿無定員正八品典史一人司獄
司司獄一人從九品都稅司大使一人從九品副使一人
宣課司凡四正陽門外正陽門張家灣蘆溝橋稅課司凡
二安定門外安定門各大使一人從九品稅課分司凡二
崇文門德勝門各副使一人遞車所批驗所各大使一人
府尹掌京府之政令宣化和人勸農問俗均貢賦節征徭
謹祭祀閱實戶口糾治豪強隱恤窮困疏理獄訟務知百
姓之疾苦歲立春迎春進春祭先農之神日朔望早朝奏

老人坊廂聽宣諭孟春孟冬率其僚屬行鄉飲酒禮凡勳
戚家人文引每三月一奏市易平其物價遇內官監徵派
物料雖有印信揭貼必補贖面奏若天子耕藉行三推禮
則奉青箱播種於後禮畢率庶人終畝府丞貳京府兼領
學校治中參理府事以佐尹丞通判分理糧儲馬政軍匠
薪炭河渠堤涂之事推官理刑名察屬吏二縣職掌如外
縣以近涖輦下故品秩特優順天府卽舊北平府洪武二
年置北平行省九年改爲北平布政司皆以北平爲會府
永樂初改爲順天府十年陞爲府尹秩正三品設官如應
天府順天府通判舊六人一人管糧一人管馬一人清軍
一人管匠一人管河一人管柴炭嘉靖八年革管河管柴

職官表卷三十一
二十七
炭二人萬厯九年革清軍管匠二人十一年復設一人兼管軍匠

謹案京師爲萬邦輻輳之區地大物博情僞易滋故兩漢以來皆設京尹以董正之然歷代時宜各異而規制亦有差殊大約漢之京兆尹主於搏擊豪強而生殺得以自由其弊也失之於橫宋之開封尹主於綜核綱紀而凡事不由省部其弊也失之於專南宋之臨安尹元之大都路都總管府主於應辦宮府一切中外供需之事悉以委之其弊也失之於雜至明之順天府尹資望益輕中官及廠衛皆得而役使之其失職爲尤甚矣國家化行首善畿甸肅清

六四
百五十五
特簡大臣兼管府事以重其任而所屬各州縣則與直隸總督參司治理神皋赤縣綱舉目張洵所謂都邑翼翼四方之極者也

